

ՄԱՅՐԵՆԻԻ(ԸՆԹԵՐՑԱՆՈՒԹՅԱՆ) ՕԼԻՄՊԻԱԴԱՅԻ ՄԱՐԶԱՅԻՆ ՓՈՒԼԻ
ՊԱՏԱՄԻԱՆՆԵՐ
6-Ը ԴԱՄԱՐԱՆ

1. Դա հատուկ երկարօրյա դպրոց էր, որտեղ երեխաները կարող էին մնալ դասերից հետո ու զբաղվել դպրոցի առարկաների հետ կապ չունեցող հազար ու մի հետաքրքիր բաներով: Դպրոցը հայտնի էր ուսուցման իր նորարարական մեթոդներով և տարբեր ոլորտի խմբակներով՝ նախատեսված տարիքային բոլոր խմբերի համար:

Իմ դպրոցը նույնպես շատ լավ դպրոց է. այնտեղ ես մասնակցում եմ տարբեր խմբակների և պատումի հերոսների նման բացահայտում եմ կախարդական աշխարհների գաղտնիքները, մասնակցում անհավատալի իրադարձությունների: Միբուր եմ հատկապես ընթերցանությունը, որն ինձ տանում է տարբեր ժամանակներ, պատմում աշխարհի հզորների մասին, սովորեցնում հասկանալ բնության լեզուն: Ես սիրում եմ իմ դպրոցը և բազում թելերով կապված եմ նրան:

2. Անին սիրում էր կերպարվեստը, քանի որ այն հնարավորություն էր տալիս դրսևորելու իր ստեղծագործական միտքը՝ կենդանություն տալով երևակայական պատկերներին, իսկ Դավիթը նախընտրում էր դժվարին խնդիրներ առաջադրող մաթեմատիկան: Նրանք միասին հաղթահարում էին բոլոր դժվարությունները, քանի որ հավատում և վստահում էին իրենց և իրենց հավատացող ավագներին:

3. Նրանց նախասիրություններից մեկն էլ գրադարանն էր՝ իմանալու անթիվ հարցերի պատասխաններ, որոնք գտնում էին հնամաշ կազմերով գրքերում: Գրադարանը նրանց երկրորդ տունն էր:

4. Անին ու Դավիթը անցյալում հայտնվեցին, երբ գրադարանավարուհի խորհրդով բացեցին կաշվե կազմով գիրքը. հետո Անին մոտեցավ դաշնամուրին և, մաքրելով ստեղծների փոշին(ամենայն հավանականությամբ՝ պատմության փոշին), սկսեց նվագել: Այդ երաժշտությունը նրանց մոտեցնում էր գաղտնիքին, դրա համար էլ վերջին նոտայի հետ բացվում է միջանցքի գաղտնի դուռը, և նրանք հայտնվում են մի անծանոթ աշխարհում, որտեղ միախառնվել էին տարածությունն ու ժամանակը, Բիարկե, նրանք երևակայությամբ էին հայտնվել այնտեղ, քանի որ քիչ հետո արդեն դասարանում էին: Գաղտնիքների նկատմամբ սերը բորբոքել էր նրանց երևակայությունը:

5. Տաթևիկը նրանց ցույց տվեց արձանիկներ, որոնք տարբեր ժամանակների հետ հանդիպելու բանալիներ էին: Այդ արձանիկները նույնպես երևակայությամբ անցյալ գնալու հնարավորություն էին, հմայիլներ, որոնցից յուրաքանչյուրը բացահայտում էր մի աշխարհ: Արձանիկները ակտիվանում էին համապատասխան կախարդական բառերն ասելուց հետո: Տիգրան Մեծի արձանիկն ակտիվացնելու համար պետք էր ասել «Ուժ և պատիվ», իսկ Մեսրոպ Մաշտոցի արձանիկի համար՝ «Գիտելիք և լույս» բառերը:

6. Հոմանիշ

Հականիշ

Նեղ- անձուկ, սեղմ, նեղիկ

լայն, արձակ, ազատ, ընդարձակ

Մութ- խավար, աղջամուղջ, գիշեր

լույս, առավոտ, շող, ճաճանչ

Բարի- անչար, գթասիրտ, բարեհոգի

չար, վատթար, ռիսակալ, նենգ

Փոքր- մանր, քիչ, պուճուր, կրտսեր

մեծ, հսկա, խոշոր, վիթխարի

Դանդաղ- կամաց, անշտապ, դանդաղկոտ

արագ, շտապ, հապճեպ, շուտ

Գաղտնի-թաքուն, ծածուկ, գողունի

բացահայտ, ակներև, անաքող, հայտնի

Գեղեցիկ- գեղանի, սիրուն, չքնաղ

տղեղ, անզեղ, չարագեղ, գեշ

Վատ-անպիտան, անպետք, անախորժ

լավ, ընտիր, լավորակ, ազնիվ

Վեհաշուք- փառավոր, մեծաշուք, փառահեղ

տղեղ, անհաճո, հոռի, անշուք

7. Անին ու Դավիթը գրադարանի գաղտնիքը հայտնաբերում են Տաթևիկի օգնությամբ: Նրանք հաճելիորեն զարմացան, երբ մեծերից մեկը հավատաց իրենց և սիրով օգնեց:

8. Հայրենիքի սերը ուղղակի զգացմունք չէ, այլ կրակ, որ ջերմացնում է հոգին ր լուսավորում ճանապարհը: Միբել Հայրենիքը՝ նշանակում է հոգատարությամբ վերաբերվել յուրաքանչյուր տերևի..... որպեսզի կրակը երբեք չմարի:

9.Իմ երևակայության մեջ ես եմ հանդիպել եմ մեր պատմության ամենաերևելի արքային՝ Տիգրան Մեծին: Ես կարկամել էի այդ վեհության առջև և ուշադիր լսում էի արքայի դասերը. մենք կառուցում ենք քաղաքներ, զարգացնում ենք առևտուրը, մեզ հզոր են դարձնում ոչ միայն ռազմական հաղթանակները: Մենք գնահատում ենք գիտելիքը, արվեստը և ձգտում ենք իմաստության: Մեր գիտնականներն ու փիլիսոփաները նույնքան հարգանք են վայելում, որքան մեր ռազմիկները: Երբ ես վերադարձա իրականություն, սկսեցի ավելի լավ սովորել հայ ժողովրդի պատմությունը: Ես նույնպես հասկացա, որ առանց անցյալի դասերն իմանալու, չենք կարող ապրել ներկայում, առավել ևս՝ պատկերացնել ու կառուցել ապագան: Ես խոստացա արքային, որ կպաշտպանեմ իր պաշտելի Հայաստանը, կսիրեմ մեր լեզուն, մեր մշակույթը, կպահպանեմ մեր ավանդույթները, քանի որ համոզվեցի, որ «պատմությունը կենդանի գետ է, և ամեն սերունդ իր ներդրումն է ունենում դրանում»:

10. Այս յուրահատուկ պատմությունն ինձ սովորեցրեց լինել ինքնավստահ, արժանապատիվ, համարձակ: Երբեք չընկրկել դժվարությունների առաջ, հիմնավորապես յուրացնել ուսուցիչներից շատ կողմից ինձ տրվող գիտելիքները, և դրանք օգտագործել իշահ իմ հայրենիքի, իմ հարազատների, իմ ընկերների: Ես սովորեցի հավատալ ինքս ինձ, սովորեցի ամուր կանգնել հայրենի հողին:

11. Տիգրան Մեծը՝ հզոր, փառավոր, ուժի և իմաստության խորհրդանիշ:

12. Մեր ժողովրդի ու մշակույթի խորհրդանիշներից են Տիգրան Մեծի դիմանկարով մետաղադրամները :

13. Մետաղադրամի վրա պատկերված էր Տիգրան Մեծի դիմանկարը: Արքան բացատրեց. «Բայց դա նրանից չէ, որ փառասեր եմ, այլ նրա համար է, որ հիշեցնի յուրաքանչյուր քաղաքացու, թե ինչ մեծ երկրի մաս է ինքը հանդիսանում»:

14. Արքան երեխաներին ցույց տվեց Մեծ Հայքի քարտեզը: Դա Տիգրան Մեծի կառուցած Հայաստանի քարտեզն էր, երբևէ մեր ունեցած ամենահզոր թագավորության քարտեզը:

15. Այս հարցին պետք է պատասխանի մասնակիցը:

16. Դարաշրջան- դար –ա - շ(ու)րջ- ան

17. Դժվարությունները փոքրիկ ալիքներ են ժամանակի գետի վրա;

Յուրաքանչյուր գիրք նրանց շշնջում էր իր գաղտնիքները:

Ժամանակի պտույտը դադարեց:

18. Հազարամյակ, խշխշոց, դասամիջոց, գրադարանավարուհի, երկարօրյա, ստեղծագործական:

19. Մեսրոպ Մաշտոց, Տիգրան Մեծ, Մեծ Հայք

20. Ավանդություն- ասք, վիպերգ, գրույց

Ավանդույթ- սովորություն

Հետևորդ- որևէ ուղղության հետևող

Հետևորդ- ժառանգ

Մեր բանահյուսության ավանդությունները փրկվել են Քերթոզահոր շնորհիվ:

Մեր ժամանակներում էլ են պահպանվել հին հայկական ավանդույթները:

Հայ ժողովուրդը առաջինն է դարձել քրիստոնեության հետևորդ:

Մեր տոհմի հետևորդները կրում են մեր նախապապի ազգանունը:

Հանրապետական հանձնաժողովի նախագահ՝ Ս. Աբազյան